

3299

ЗКИМ

2-24

1932

ԾՐԱԳԻՐ - ԿԱՆՈՆԱԳԻՐ

ՀԱՅ ԵՐԻՏԱՍԱՐԴԱՑ «ԵՓՐԱՏ»

Մ Ի Ո Ւ Թ Ե Ա Ն

Հ Ի Մ Ն Ե Ա Լ


10 ՅՈՒՆՈՒԱՐ 1932

Հ Ա Լ Ե Պ



Ե 2001

2010



Պ. "ԱՐԱՐԱ", ԽԱՆՏԷՔ, ՉԱԼԵՊ

Ծ Ր Ա Գ Խ Ր — Կ Ա Ն Ո Ն Ա Գ Ի Ր

ՀԱՅ ԵՐԻՏԱՍԱՐԴԱՅ «ԵՓՐԱՏ», ՄԻՈՒԹԵԱՆ

ԿԱԶՄՈՒԹԻՒՆ

Յօդ. 1.— Հալէպի մէջ հիմնուած է 10 Յուն-
վար 1932 ին Միութիւն մը, որ կը կոչուի
ՀԱՅ ԵՐԻՏԱՍԱՐԴԱՅ «ԵՓՐԱՏ» ԱԿՈՒՄԲ:

ՆՊԱՏԱԿ

Յօդ. 2.— Միութեան նպատակն է, առաջ-
նորդել Հայ Երիտասարդները դէպի բարոյական
փիզիքական եւ մտաւոր զարգացում, դաստիա-
րակել ազգային ոգիով, պատրաստել զանոնք
սիւրիանապատակ պատուաւոր քաղաքացիներ,
աշխատիլ վառ պահել հայրենիքի սէրը եւ հայ
տոհմային ազնիւ աւանդութիւնները, սատարել
երիտասարդ չքաւոր ուսանողներու եւ արհես-
տաւորներու, կատարելագործելու համար իրենց
ուսումը կամ արհեստը:

ԱՆԴԱՄԱԿՑՈՒԹԵԱՆ ՊԱՅՄԱՆՆԵՐ

Յօդ. 3.— Հայ Երիտասարդաց «Եփրատ»
Միութեան կրնան անդամակցիլ, 18—28 տարե-
կան պատուաւոր ամէն հայ երիտասարդներ,
որոնք կ'ընդունին ներկայ Ծրագիր-Կանոնագիրը
եւ կ'ենթարկուին Միութեան որոշումներուն:

Յօդ. 4 — Անոնք՝ որոնք նմանօրինակ ուրիշ
Միութեան մը անդամ չեն:

Յօդ. 5.— Միութեան անդամ արձանագրուելու համար՝ անհրաժեշտ է երկտողով մը իմացնել Վարչութեան իր անդամակցելու փափաքը, խնդրագրին հետ միացնելով երկու անդամներու բարոյական երաշխաւորագիրը:

Յօդ. 6.— Վարչութիւնը իրաւաստւ է ունէ անդամակցութեան ղիմումնագիր ընդունելու եւ կամ մերժելու:

Յօդ. 7.— Անդամները պարտին իրենց կարողութեան չափով օժանդակել Միութեան տեղական ծախքերու հայթայթման համար, նիւթապէս եւ բարոյապէս:

Յօդ. 8.— Միութեան մէջ ընդունուած նոր անդամ մը, 6 ամիս վերջ միայն Վարչութեան ընտրուելու իրաւունք կ'ունենայ:

Յօդ. 9.— Ամէն անդամ պարտի յարգել կարգապահութեան եւ զաղտնապահութեան ըսկզբունքները եւ սիրայօժար ընդունիլ ու կատարել Վարչութեան կողմէ իրենց յանձնուած պարտականութիւններն ու պաշտօնները:

ՄՈՒՏՔԻ ՏՈՒՐՔ ԵՒ ԱՆԴԱՄԱՎՃԱՐ

Յօդ. 10 — Միութեան ամէն անդամ, իր ընդունելութեան ժամանակ, պարտաւոր է վճարել մուտքի տուրք մը որուն քանակը ինքնազատ է որոշելու, իսկ անդամավճարը ամիսը նուազագոյն 10 Ս. դնկ. է, իսկ այն անդամները որոնց նիւթական անձկութիւնը կը հաստատէ Վարչութիւնը, զանազան դրամով փոխարինելու:

Յօդ. 11.— Միութիւնը կերպով նպա-



39956-67

տակները իրագործելու համար պիտի դիմէ հետեւեալ միջոցներուն, առաջադրած նպատակին հասնելու համար:

Ա.— Կ'ունենայ սեփական զբաղարան մը:

Բ.— Կը սարքէ բարոյացուցիչ ներկայացումներ, ցերեկոյթներ եւ երեկոյթներ:

Գ.— Ընդհանուրի համար կը սարքէ, օգտակար դասախօսութիւններ:

Դ.— Ի հարկին կ'օգտագործէ «Եփրատ» թերթը:

Ե.— Կը կազմէ մարմնամարզական եւ զեղարուեստական կազմակերպութիւններ:

Զ.— Միութիւնը իր նպատակին հասնելու համար կը դիմէ վերին մարմինն սատարելու համար իր նիւթական օժանդակութիւնով:

ՄԻՈՒՅԵԱՆ ՀԱՍՈՅԹՆԵՐԸ

Յօդ. 12.— Միութեան հասոյթները կը կազմեն:

Ա.— Մուտքի տուրքերը:

Բ.— Ամսավճարները:

Գ.— Ինքնակամ նուիրատուութիւնները:

Դ.— Ներկայացման, երեկոյթի վիճակահանութեան եւ դասախօսութեան հասոյթները:

Ե.— Գրադարանի հասոյթները:

Զ.— Միութեան Վարչութեան կողմէ ստեղծուած ուրիշ ունէ հասոյթի աղբիւրներ:

ԱՆԴԱՄԱԿԱՆ ԸՆԴՀԱՆՈՒՐ ԺՈՂՈՎ

Յօդ. 13.— Միութեան ամբողջ անդամներու համախմբումով գումարուած Ժողովը կը կոչուի անդամական Ընդհ. Ժողով:

Յօդ. 14.— Առնուազն երկու ամիսը անգամ մը տեղի կ'ունենայ անդամական կանոնաւոր ժողով, որուն հրաւերը գրաւորապէս կ'ամ մամուլի միջոցաւ կը հաղորդուի բոլոր անդամներուն, ժողովէն առնուազն 2 օր առաջ:

Յօդ. 15.— Անդամական Ընդհ. ժողովը տեղի կ'ունենայ Վարչութեան հրաւերով:

Յօդ. 16.— Անդամական Ընդհ. ժողովը օրինաւոր կը նկատուի, երբ անդամներուն կէսէն մէկ աւելին ներկայ է:

Յօդ. 17.— Երբ առաջին հրաւերով ժողովը մեծամասնութիւն չ'կազմէ, Վարչութիւնը պէտք է յաջորդ շաբաթ երկրորդ հրաւեր մը ուղղէ նոյն օրակարգով: Երկրորդ ժողովին ներկաներուն թիւը օրինաւոր կը նկատուի, ինչ որ ալ ըլլայ ներկաներու թիւը, եւ տրուած որոշումները պարտաւորիչ են բոլոր անդամներուն համար:

Յօդ. 18.— Սյն անդամը, որ առանց մասնաւոր պատճառի երեք անգամ անդամական Ընդհանուր ժողովէն կը բացակայի, հրաժարած կը նկատուի:

Յօդ. 19.— Անդամական Ընդհ. ժողովը կ'ընտրէ Վարչութիւնը:

Յօդ. 20.— Անդամական Ընդհ. ժողովը Վարչութեան գործունէութեան հսկող եւ համարառու գերագոյն մարմինն է:

Յօդ. 21.— Անդամական Ընդհ. ժողովը կ'ընտրէ իր ղեկանը 6 ամիս շրջանով:

Յօդ. 22.— Բացառիկ անդամական Ընդհ. ժողով կարելի է գումարել:

Ա.— Եթէ Վարչութիւնը յարմար դատէ:

Բ.— Եթէ անդամներուն $\frac{1}{4}$ ը գրաւոր դիմում ներկայացնէ:

ՎԱՐՉՈՒԹԻՒՆ

Յօդ. 23.— Վարչութիւնը Միութեան ընթացիկ գործերը վարող մարմինն է, եւ կը բաղկանայ 7 անդամներէ:

Յօդ. 24.— Վարչութիւնը կ'ընտրուի անդամական Ընդհ. ժողովոյ ներկաներուն մեծամասնութեամբ եւ գաղտնի բուէարկութեամբ:

Յօդ. 25.— Վարչութեան պաշտօնավարութեան շրջանը 6 ամիս է, վերընտրելի ըլլալու իրաւունքով:

Յօդ. 26.— Եթէ Վարչութիւնը իր պայմանաժամը լրանալէ առաջ, մասնակի կ'ամ թէ մեծամասնութիւնը կորսնցնէ, Անդամական Ընդհ. ժողով գումարուելով նորերը կ'ընտրէ պակսուածներուն տեղ:

Յօդ. 27.— Անդամներուն մեծամասնութեան անվստահութեան պարագային Անդամական Ընդհ. ժողովը իրաւասու է լուծել Վարչութիւնը:

Յօդ. 28.— Վարչութիւնը շաբաթը առնուազն անգամ մը նիստ կը գումարէ եւ կ'գրադի Միութեան բոլոր գործերով:

Յօդ. 29.— Եթէ Վարչական անդամներէն մէկը երեք անգամ յաջորդաբար եւ առանց բանաւոր պատճառի ժողովներէն կը բացակայի, հրաժարած կը նկատուի:

Յօդ. 30.— Վարչութիւնը կ'ընտրէ իր ղեկանը, որ կը բաղկանայ, Ատենապետէ, Ստենագրիքէ, Գանձապահէ եւ չորս խորհրդակահէ:

Յօդ. 31.— Ատենապետը պարտականութիւն ունի Վարչական ժողովները բանալու, կանոնաւորութեան հսկելու, պաշտօնական թղթակցութիւնները Ատենադպիրին հետ բանալու եւ կարդալու:

Յօդ. 32.— Մտենադպիրին պարտականութիւնն է թղթակցութիւնները կատարել, ժողովին ատենագրութիւնները խնամքով արձանագրել, նաեւ թղթակցութիւնները, յարաբերական եւ հաշուական գրութիւնները պահել, մասնաւոր պահարաններու մէջ:

Յօդ. 33.— Դանձապահին պարտականութիւնն է, փոխան ընկալագրի գումարներ ստանալ եւ տալ, դրամի ռեւէ առաքում կամ յանձնում ու ծախք պէտք է հաստատուած ըլլայ Վարչութեան կողմէ:

Յօդ. 34.— Վարչութիւնը պարտաւոր է 3 ամիսը անգամ մը Անդամական Ընդհ. ժողովին ներկայացնել իր նիւթական եւ բարոյական գործառնութիւնները, եւ առ այդ վաւերացնել տալ:

Յօդ. 35.— Վարչութիւնը կ'ընտրէ նաեւ հետեւեալ Յանձնախումբերը եւ կը հսկէ անոնց գործունէութեան վրայ

Ա.— Դրադարանի

Բ.— Թատերական եւ Գեղարուեստական

Գ.— Դասախօսական

Դ.— Մարզանքի

Ե.— Բրօքականտի

Յօդ. 36.— Դրադարանի Յանձնախումբին պարտականութիւնն է՝ ա) Միութեան տրամա-

դրելի միջոցներով ճոխացնել գրադարանի գիրքերը. բ) յատուկ կանոնագրով մը զարկ տալ ընթերցասիրութեան, գ) հսկել գրքերու խնամքով պահպանման, դ) երկու ամիսը անգամ մը գրադարանի վիճակի մասին տեղեկագիր տալու է վարչութեան:

Յօդ. 37.— Թատերական, գեղարուեստական եւ դասախօսական Յանձնախումբերուն պարտականութիւններն են, սարքել ներկայացումներ, գեղարուեստական եւ ընկերային երեկոյթներ եւ դասախօսական ու վիճաբանական երեկոյթներ:

Յօդ. 38.— Մարզանքի Յանձնախումբին պարտականութիւնն է զբաղիլ Միութեան մարզական գործով:

Յօդ. 39.— Բրօքականտի Յանձնախումբին պարտականութիւնն է, ջանալ նոր անդամներ արձանագրել Միութեան, եւ աշխատիլ Միութեան յառաջացման, յանցանքի մէջ բռնել Միութեան անգաղտնապահ անդամները եւ իմացնել Վարչութեան:

ԿԱՐԳԱՄԱՇԱԿԱՆ

Յօդ. 40.— Միութեան հանդէպ յանցաւոր կը նկատուին այն անդամները՝ որոնք

Ա.— Մրագիր կանոնագրի հակառակ ընթացքի մէջ կը գտնուին:

Բ.— Յանախակի կը բացակային ժողովներէ:

Գ.— Չեն կատարել իրենց տրուած պարտականութիւնները:

Դ.— Չորս ամիսներ ամսական չեն վճա-

րեր:

Ե.— Կ'իւրացնեն Միութեան դրամը կամ գոյքը:

2.— Միութիւնը վարկաբեկող արարքի մէջ կը գտնուին:

Է.— Երբ Միութեան գաղտնիքները կը յայտնեն նմանօրինակ գետնի վրայ կազմուած Միութիւններու:

Յօդ. 41. — Յանցաւոր նկատուած անդամ մը, Վարչութեան կողմէ կ'ստանայ դիտողութիւն եւ յանդիմանութիւն, աւելի ծանր յանցանքի պարագային Վարչութիւնը կը կախակայէ խնդրոյ առարկայ եղող անդամը եւ խնդիրը կը յանձնէ Սնդամական Ընդհ. Ժողովի նկատման:

Յօդ. 42. — Ոեւէ յանցաւոր նկատուած անդամի մը վերջնական արտաքսման որոշումը կը տրուի Սնդամական Ընդհ. Ժողովոյ կողմէ:

ԿԱԶՄԱՆՈՒԾՈՒՄ

Յօդ. 43. — Հայ Երիտասարդաց «Եփրատ» Միութիւնը լուծուած կը նկատուի, եթէ իր անդամներուն թիւը 10 էն պակաս ըլլայ:

Յօդ. 44. — Լուծուելու պարագային իր գոյքերը ու դրամները կը յանձնուին զինք հովանաւորող հիմնադիր անդամներուն:

ՎԵՐԱՔՆՆՈՒԹԻՒՆ

Յօդ. 45. — Վերոյիշեալ Ծրագիր Կանոնագիրը փոփոխելի է, երբ Սնդամական Ընդհ. Ժողովի անդամներու 2/3ը հաւանութիւն կը յայտնէ:



2013

<< Ազգային գրադարան



NL0036786

0

Shut

